

Jesus althga di wātk ga dāsh ga Shimoigiat ga Lakāga:.. ada nini gwai wātk ga dida Shish-Christ ga dit, gū wha naknōi shim dum goi-duksh dit; ada ltha al dhā dit gĩaōn ā lak halizogut.

4 Shimoigiat ga Lakāga wil amiyā shimt, gubutgūelthk, ada ltha gagutlet shim dash dupniat; āwil gawilēksha lūhokshk ga dida gwashim, ā al di lūhokshk ga didā lak halizogut:

5 Ninish dup gwai halizoga nhawāl dit: nini gun alalgaagumsh halizoksha dit, ada amōksha halizoga dash dupniat.

6 Shimoigiat ga Lakāga wil di amiyām: nāt in wilaish Shimoigiat ga Lakāga nini amōksha dida gum: nā whā wātk gut gish ga Shimoigiat ga Lakāga ada althga amōksha da gum. Gwai dup gun wilai haigum shimhouit, dilth haigum yāmgushk gut.

7 Shipshiebun, shū'unza na shipshiebun dum: awil Shimoigiat ga Lakāga wil wātk ga shiebunshk gut; ada tkānish nā shiebunshk ga dit, kshalaklagut gish ga Shimoigiat ga Lakāga adat wilaish ga Shimoigiat ga Lakāga.

8 Nā wha shiebunshk ga dit, althgat wilaish ga Shimoigiat ga Lakāga; āwil shiebunshk gish ga Shimoigiat ga Lakāga.

9 Gwai gun ālūdā'antk gish ga na shiebunshk gish ga Shimoigiat ga Lakāga gum, wilt haizt ga Shimoigiat ga Lakāga gaulū lipda Lthgōlthk gut ga halizogut, dum wil dildōlshum ash niat ga dum gunwāl dit.

10 Gwai Shiebunshk gut, althga wilt nūgumt in shiebunshk ga Shimoigiat ga Lakāga, yagai niat gut in shiebunum ga, gunt haizt ga Lthgōlthk gut ga dum kshish ga na hadadak gum.

11 Shipshiebun, amiza gushgouit

shiebunum ga Shimoigiat ga Lakāga gwit, gup ām dum di na shipshiebun dumt.

12 Hawalthk ga n'dalth n'dat nish dit ligit nā ga Shimoigiat ga Lakāga. Amiza na shipshiebun dum, dum lūhokshk gaga Shimoigiat ga Lakāga gum, ada shim lūgou'untk gish ga na shiebunshk gut ga gum.

13 Nini gwai dup gun wilaish ga lūhakhokshk gum gish niat, ada di wālt ga gum, āwil lthāt ginamsh ga na Haigut ga gum.

14 Ada ltha dup nish dit ada magauunshk gum da na lthāt haizt ga Nagwāt ga Lthgōlthk gaga ash ga dum Halamautk ga halizogut.

15 Ligitnādumt in nēun Lthgōlthk gish ga Shimoigiat ga Lakā gish Jesus, lūhokshk gaga Shimoigiat ga Lakā gish niat, ada di wālt gish ga Shimoigiat ga Lakāga.

16 Ada ltha dup wilai dit ada shimhoudikshim gish ga na shiebunshk gish ga Shimoigiat ga Lakāga gum. Shiebunshk gaga Shimoigiat ga Lakāga; adat nā lūhokshk ga didā shiebunshk gut lūhokshk ga gish ga Shimoigiat ga Lakāga, ada di lūhokshk gish ga Shimoigiat ga Lakā gish niat.

17 Nini gwai wil lūgou'unshk gish ga shiebunshk gish ga gum, dum wil wha libāshum da zida ltha shām halidap; āwil nish ga wila wālt ga, dish di wila wālumi ā halizoga gwa.

18 Althga di bāshlth shiebunshk; yagai kshadalth da shimhoum shiebunshk ga bāshit, āwil hokshk ga hagusshk ga da bāshit; ada na bāsha dit althga shimhoulth shiebunshk gut.

19 Shiebunshk ga num, ash ga wilt kshgaugum shiebunum ga.

20 Amiza hoult ligi giāt, Shiebuni ga Shimoigiat ga Lakāga, ada za al libāluk dalth waikit, hūkbigit; āwilt nā t'in wha shiebun waik dit gū al